

新文豐出版公司印行


叢書集成續編

一四四

叢書集成續編

第一四四冊目錄

文學類



詩文別集——明

陳后岡詩集一卷文集一卷	明	陳束撰	四	明	一
田叔禾小集十二卷	明	田汝成撰	武林往哲		五五
唐荆川先生集十八卷補遺一卷附錄一卷	明	唐順之撰	常州先哲		二〇七
徐徐集二卷	明	王樞著	四	明	四四一
奚囊蠹餘二十卷補遺一卷附錄二卷	明	張瀚撰	武林往哲		四五七
李駕部集七卷附錄一卷	清	張景雲輯	粵十三家		六三五
李駕部前集四卷	明	李時行著			六四六
李駕部後集二卷					六九八
青霞漫稿一卷					七三一
碧筠館詩稿四卷補遺一卷附錄二卷	明	凌立著	武林往哲		七四一

陳

文

后

集

閩

四明張氏約園開雕

序

陳氏后岡集文三十四張東沙選輯賦一詩百二十唐
荆川選輯余既校而刊之乃爲敘曰當明之世以文名
者王李盛矣然遵嚴荆川究辨義法實稟先正之遺風
震川晚出氣體尤潔后岡師友東沙遵嚴荆川東沙文
章爾雅尤饒義氣宏獎士類善接後輩吾意后岡文法
蓋如得之東沙游仕以後文律愈工自是薰染於王唐
二家之效今觀其文皆謹法度不爲才氣所馳縱而亦
不爲義法所屈囿惜乎其年事之早已不然震川與王
唐二子不能專美於其際也所爲詩歌冥心希古不染
流習自時人觀之誠所謂捕神彈鬼之文也已然搜刺
刻深抗引太峻於詩則工於行則過東沙謂其以是觸
天忌雖出於悼痛之意然文章憎命已若恆言肺腑今
古往往而驗殆不可以理義推論雖欲不言天命又豈
可得邪故余敘此書不禁掩卷蒼茫俯仰而增慨也民
國二十三年三月後學張壽鏞序

陳后岡文集序

四明叢書
約圖刊本

四庫全書存目

陳后岡詩集一卷文集一卷

明陳東撰東字約之鄞縣人嘉靖己丑進士官至河南
提學副使事蹟具明史文苑傳東與唐順之爲同年其
倡爲初唐六朝之作以矯李何之習而所學不逮順之
又自翰林改禮部主事迨復官編修旋即外調恆忽忽
不樂年僅三十餘而卒文章亦未成就故順之終以古
文鳴而東無稱焉詩集爲順之所編皆嘉靖甲午乙未
丁酉三年之作其餘僅寥寥數首文集爲張時徹所刊
分京楚閩洛四集以居官之地名之初刻於蜀中又刻
於吳郡此本乃萬曆中其同邑林可成所校刊也

陳后岡集提要

四明叢書
約圖刊本

鄞縣志本傳

陳東字約之號后岡

兩上者舊傳

生而聰慧絕倫

○案張時

父偶隱有大志憤弗業儒見學士輩輒逐逐長私念日有見不當如是乎及東為兒慧父遂破產延高師教之好古書明史文苑傳汎濫百家日誦數千言兩浙名賢錄其師

與諸學徒講說經義東則臥弗聽也

分省人會稽侍郎

董玘官翰林時聞東才召視之

明史

東垂髫而前玘難

墳典邱索及諸莊周呂覽言滾滾對不塞

名賢錄

試詞賦

立就遂字以女攜至京文譽益起

明史

嘉靖八年成進士

明詩綜

廷對世宗手批其卷置二甲及考庶吉士得胡經

陳后岡集

一四明叢書
約園刊本

等二十人以東曾奉御批列經等首座主張璵霍韜以

前此館選悉改他曹引嫌亦議改乃寢前命東授禮部

主事時有嘉靖八才子之稱謂東及王慎中唐順之趙

時春熊過任瀚李開先呂高也四郊改建都御史汪鋐

請徙民居墳墓東疏諫

明史

曰民居墳墓逼近壇地其所

從來遠矣徇之以為安仍之以為俗臣嘗往來相視一

二里之內居者不下數百家墳墓不下數千計其在各

壇可推而知矣今一旦欲令改移無力者欲遷徙而莫

具其土地棺槨有力者有土地棺槨而莫求其形骸使

死者流離於泉下生者悲號於遠邇輿情洶洶非所以

昭天地安百姓也伏願皇上敕都察院曉諭令已定弗

復遷動將來者嚴加禁懲則德惠下施福祐無歉矣

后岡集不報遷員外郎改編修

明史

日與慎中順之諸人更相

過從陳說藝文至達旦不休倦則便相枕臥率以為常

人物考

性亢潔不喜逢世璵

明史

璵受上殊寵朝士盡奔走

東故出璵翰門

明史

慕東名相款引終不一折節

歲時上壽望門投刺輒馳馬過之遂為所惡出為湖廣

僉事分巡辰沅

明史○案后岡集乙未稿有仲冬行岳

州道中及入武陵公衙詩據是為湖廣

陳后岡集

一四明叢書
約園刊本

僉事當在嘉

靖十四年辰沅五谿故區苗蠻所都深山叢箐犬牙

阻兵時時剽攻內地東乃量裁闊狹宣布威信苗夷聽

命四境帖然然東不樂居上疏乞骸骨

人物考

略曰臣僻

在海隅無所比算微時之幸屢晉清班從侍華轂首尾

蓋七年而外遷今官爾來又二年矣宣布化理庶效區

區以報洪造豈意數奇命薄卒與病會怔忡症作竟夕

無眠火熾血虛潮熱不能如此不止將犯周任陳力之

戒一旦膏塗異土誠可於邑伏望解臣官職生還田里

以保餘年

后岡集

時吏部缺尚書張邦奇為侍郎歎曰陳

生偃蹇甚矣必徙之擬注山東督學以上而內閣欲用

其所私力持之束竟不果用人物已乃遷福建布政使

參議嘉靖每出治檢括案牘窮日夜不少輟復與學士

大夫周旋款語無不人人滿意書比歸休左右列圖史

置酒一壺且誦且飲仰屋慨歎名賢忽忽不樂四庫家

人莫喻其故人物考○案歸琦亭集鼓山有四明流人

為陳后岡明人重館閣外遷又遷河南提學副使始諸

如者謂束獨負氣骸髀持虛言彈刺必不能修舉吏事

逮其敗壞之而束顧益舉其職終無詞罷免嘉靖然故

陳后岡詩序

四明叢書

有嘔血疾會科試期迫明一晝夜馳三百里名賢試八

郡之士三月而畢疾增劇竟不起○案玉堂叢話崔侍

之束少於崔三十一歲視學河南恃其少壯值崔病初

起即往案部安陽謁之崔與束飲約之大醉不能止復

舉十餘白乃別陳年纔三十三明無以為斂名賢慎中

遂病至咯血不起史適同官與束同里參議周薇其經紀其喪舊送其孥

以歸名賢順之亦不遠千里哭之越中為刻遺集舊

當嘉靖初稱詩者多宗何李束與順之輩厭而矯之明

倡為初唐列朝華而不靡舊而彌鮮明詩而天不永年

不竟所詣止知者憾之嘉靖束兄模中書舍人南文約

序

嘉靖庚子余友陳子約之以憲職督學於梁即捐館

上歸櫬越中時太史唐子應德以上書失指免官祠郎

熊子叔抑以奉職忤意承譴二子者不遠數千里漬絮

酒以入甬望總帳而出涕撫藐孤於素室搜遺草於名

山而後相與別去余方倚廬未果從適嘗移之詩悲焉

亡何唐子刪定其述造若干卷乃就判令某登梓而以

序屬余申之曰昔先士安假寵太冲子獨無意哉余不

能辭敘曰夫聖王耀德志士殉名是以神龍驥首幽雲

陳后岡詩序

四明叢書

景蒸寒蟬發聲涼颼始冽當其生利見之辰適司鳴之

會履好文之朝遇同時之主凡含經之生綴辭之士孰

非摘菁挾藻以緯國華者哉歲在己丑天子覃側席之

慕相君有開閣之風乃縑組講藝影纓味道契協填饒

言郁蘭茝彬彬乎號為得人而海內嚮慕矣枚朔巨馬

迭晉於漢庭陳劉應徐同升於魏室坐論豈足多乎是

時也待讌登歌則家追大雅從游第頌則戶起新聲一

字之工聞奇而傾耳片言之巧觀縟而躍心紙價騰踴

於都門簫譜浸淫於禁掖若陳子者方齡於終童比才

於賈生雕章綺合藻思羅開顧英時一時尤藝苑之選也然而好惡易更盛衰頻復不逮之隙構見恕之釁成斯長沙之役往而金馬不容於陸沈矣陳子於是稍戢鋒穎卒就編檢猶且寄興於山川發憤於歲月周爰於馳驅宣情於羈旅述造益工豈曰在外無奇哉流盼之間不十餘年而向之契協墳饒者邇爲參商言郁蘭芷者析爲萍梗子竟長逝化爲異物良晤愴跡於南皮零落傷心於北海蓋爲此矣今考誦其遺編早鑄四傑晚鎔二張道軫於平原晞駕於康樂麗於游燕充於入洛雋永於浮湘備於吳越甌閩展可傳以不朽異乎湮沒無稱者矣奈何湛思夢於吏牒迅翻摧於嶮路雄才頓於促景榮名乖於中壽使鳳池未褫曜靈假年究其所底寧止是乎此運命之奧蕭劉所以互論而董史所以同悲也唐子諒余之言哉因僭爲序并系詩於末簡吳郡皇甫汈子循撰

陳后岡詩集序

二四明叢書
約圖刊本

陳后岡詩集目錄

廐馬賦 有序 館中作

誚賣玉器作

銅雀妓

和王員外首夏遊南內三韻

和唐太史望太行山

漳水別唐一太史之洛

入鹿樓山訪崔李二翁欣然命酌便至大醉席上

次韻一首

陳后岡詩集目錄

一四明叢書
約圖刊本

高陽行

返趙懷唐一學何體

甲午稿

詠神樂觀梅花

春郊晚行

春日遊麥氏園池

行路難

聖體初安春日視朝志喜同唐太史作

從軍行送呂武郡募兵

上巳

送陳隱君歸閩中

贈錢翁

同館寮詠省中紅藥

送王學士之金陵

夕霽對月有懷唐一編修學何水部一首

端午侍宴闕下

贈內弟董生新婚

柬唐太史臥病禪房

陳后岡詩集 目錄

都下別施秀才應試金陵

望湖亭遲唐一

二三同志夜酌碧雲寺分韻

送王修撰朝陵 王先爲祠部郎中

秋日分祀孔子廟

挽張舍人二首 舍人今相國元子

送莫秀才中舉歸省

送張子言

仲秋出郊訪鄭光祿養疴別業

贈李御史奏事還南都

賦得上林鴈贈吏部王郎中謫毘陵

送莊大人訪壻唐太史南還

送王生入蜀

禁中對雪

送唐子朝長陵

至日南郊大祀

侍宴慶成

送焦提學之貴州

陳后岡詩集 目錄

立春日寫懷簡唐一編修

春夜羣公見過

送李郎中謫守吳興兼簡毘陵王別駕予與李邦

良王道思同飲獲罪二君相繼譴謫而予塊然

獨居京師情見乎詞

乙未暮春祇命發路河

臨淄舟次柬唐一太史

過聊城

汶上

泊淮答唐應德

乙未稿 以下爲楚集

浙江夜別家大兄

贈汪御史山居

仲冬行岳州道中一首

入武陵公衙卽事

南州炎德草樹冬榮庭中孤柏不表凌寒之節憐

而賦之

丙申稿

陳后岡詩集 目錄

四四明叢書
約圖刊本

春江夜泛一首

入辰州界

送潘將軍嶺南督戎

秋日武昌逢江良能談卦數

途中卽事

與田提學行情化道中

楊太僕攜酒過西莊訪劉使君

公安得唐應德村居詩酬贈四首

丁酉稿

春日渡漢陽

楚門春興

齋亭新理牖壁暇日晝眠翛然見林山因而成咏

移庭中小結柏

伏日楠溪上疏乞休二首

過武溪楊隱君草堂

送李時行太守入覲 李舊御史

至日岳州宴水部張使君廳

臘日感述

陳后岡詩集 目錄

五四明叢書
約圖刊本

辰州送王兵憲入貴 時王膺征南簡命

歲暮偶然作

咸寧山中雪霽晚行

和顧中丞靖州閱武十二韻

送李子

過徐李二子再遊東林寺

至宜興訪應德不遇同唐二秀才飲任光祿宅

入關 以下爲閩集

與田道偶然作

下建溪

石灘

嶂峽舟中遇江子順提學考績北上席上贈別因

成長句

夜泊羊原

送張秀才省兄還句章

還次羊原先寄張大參政

病中張大見過二首

晚望有懷

陳后岡詩集 目錄

官閣初成張參政攜饌見過

除夕

除夕次張參政韻二首

守歲席上酬張參政用韻答意

明堂詔使入閩題贈十韻

同張參政早春山行次韻

還浙夜泊江口

過吳維新隱居

同唐應德過董任甫

六十四明叢書
約圖刊本

病後還朝毘陵唐編修兄弟攜舟相送醉中話舊

因懷任二考功次韻作時唐方應命起廢

邯鄲才人嫁爲廝養卒婦

泗鼎行贈戴水部

道中恭遇皇太后梓宮附葬顯陵挽詞三首

都下秋雨夜飲王子長宅

同屠六官諭胡用甫侍講李伯華文選呂大車駕

熊叔仁武選飲任二司直宅醉後話舊席上輒

成口號相贈

陳后岡詩集 目錄

出都酬謝任熊二兄兼簡李伯華文選

七十四明叢書
約圖刊本

陳后岡詩集

明鄭陳 束約之 著

武進唐順之應德選次

後學林可成志父校疏

廐馬賦 有序 館中作

夫八駿著驂騑之稱九軼標絕塵之號豈非名因才
立奇繇用顯若乃中廐之馬以良見收然而吉行不
過十里仗立罔置一鳴而絡玉羈金席牀啗脯至與
驚駘並論豈其志乎感漆園真性之云聊爲賦之

陳后岡詩集

一四明叢書
約園刊本

偉軼異之絕足兮爛騰祥而符聖孕房駟之靈精兮
呈圖而表應合乾德兮翹傑配坤行兮凌競光儵燭而
龍見文蔚然而豹炳剡雙耳其削筭頰兩瞳之夾鏡爾
其挺珍蒙汜效異余吾神超飛菟態絕駟星流矢泄
雲箭電超朝凌碣石夕歷姑餘曳吳門之正練溢齊侯
之畫圖秦牙莫測其妙理馬援尙失於範摹管青不能
得之臆肋女厲無所眺於膺臚體容與而翹跼抱明嫵
以鬯舒惟盛美之備雖夫人其舍諸爾乃遴駿東皋
獻奇北塞旅關庭隸分序膺芳猷肸鬻靈牀爽塏幸

路兒之解仇就小童而去害託園牧于六閑並驂駟于
一概響珂之鏘鏘纓弁纓之綵綵參遑恩之薦加非
真性之迫在抑曠志而未馴或遡風而沛艾乍趨迅而
中踈忱鞭筆之泊逮跪足服屬垂梢諫調客形外澤主
神內消棍斷斷以駟馮閼想想而遠姚赧秣茲於甘露
慨望斷于流麗若夫挈壺虬盡長樂雞啗雉昂色辨魚
鑰洞開夙羈寶絡昕時璇階于時黼座天臨師寮羣辰
鸞旂簇萬龍墀夾二賊驚警而怔忡睇魚須而瞪睽聞
鼓鐘而淦躍嗽驤騰以辟地雄倪曾未作于鬚鬣驚牧

陳后岡詩集

一四明叢書
約園刊本

已見噴其踣跼欬心煩而緒流羌又怒霑乎滅圮若乃
玄時肇禋黃示報祐辟靡班敷明堂配祖雲整法輿星
陳皇輅七駟夾轅以崇衛六虬方駟而翼扈駟蚪蛟以
雷起塊虛驕而焱翥繼金鉞而不前噓玉鸞其有度左
纛紛其瞽明方鉉應以擊步聊侵淫以驥駟登脚蹶而
才于蠶蠶共馳惆悵囁與夷世修文軍容偃武曾是吉
行累期間舉然而役不逾時騁無遐路道鑣未市于郊
眡前轡已迴于隍許擢浮雲使不揚蹄絕塵其安鶩睭
修廵以長嘖結幽心而延佇隕權奇于攝僕周滅沒乎

驛駐昔鄭嗣知用而佑貴漢文量才而卻受武帝罷師
以釣奇昭王縣金而設購彼已達策馭之宜用舍中才
賢之穀節翁已矣伯氏難遺慮買勇以招尤甘重心而
順畜雖駕鼓以猶任況聞香而不艱神紫紫而韻羣意
愷愷其戀豆懷殊姿而自疑曷神嗣之可剖倘垂矚于
路軫尙印鳴于華殿

誚賣玉器作

神龍逝不返永永淪赤山九陰黯莫測揚輝久矣難握
瑜馳七貴七貴誰不然魏父牀夜光咄咄起憂患楚王

陳后國詩集

三四明嚴書
約圖刊本

非賤貨和氏坐摧殘時議重瓠甌焉用誇璵璠懷璧已
賈罪况復滋琢刊乎采乃惜命明溫以煩冤傳語後世
人寶器無爲宣

銅雀妓

疑陵那可望催淚復催妍飛花銷臉臘拜月笑眉鉤銜
令死猶愛藏情生自憐無因憑李少爲幻入君前
銅羽迴秋風金錢帳夜空舞鸞君詎見調鳳妾猶工淚
竹愁難滅采菱歌易窮翻憐秦帝寵驪下許相同

和王員外首夏荅南內三韻

皇家祕苑自逶迤標境煙霄迴蔽虧緝翠千重繁雜樹
輕絲百丈懸交枝當軒支石天尋取邊巡瓊花月宇移
不羨汾陽風景麗爲觀今日長卿詞

城南窈窕似瀛仙列館芳菲入盛年罩罩氤氳氣
窗櫺宛轉閉祥煙花閨紺殿開黃道竹裏彤亭瞰碧川
最是風光恣幽歷還疑身世在鈞天

首夏清和景物熙離宮處處望旌旗瑤池擁溜祥魚躍
璧宇鸞臺瑞鳳飛草爲承輿鋪作塢花疑奉幄繡成圍
火德正逢離照地年年長此競光輝

陳后國詩集

四四明嚴書
約圖刊本

和唐太史望太行山

迢遞太行山連天跨海聞蚪拳全蔽日鳥道半隔關未
盡五丁技猶傳八駿還艱哉不可上望望損朱顏

漳水別唐一太史之洛

漳河流不極離思眇難裁可堪今夜月復照別時杯路
向銅駝去人傳金馬來南征能作賦遲爾二班才

入鹿樓山訪崔李二翁欣然命酌便至大醉席上

次韻一首

揭來深壁間幽居替服看疑避世初野老忘機來爭席

舍人高興解投車羣峯入戶開青障大壑浮階引碧渠
直是山公能醉賞爲教小阮更狂疏

高陽行

高陽年少事橫行重俠由來不重生奪得雕刀搖雪色
騎將飛馬蹙風聲

北風吹隴簸黃沙縱博千場日未斜白劍殺人丹劍舞
笑歌踏入酒姬家

返趙懷唐一學何體

蕭疏秋欲晚辛苦客情違龍分雙劍遠鴈阻一行歸月

陳后周詩集

五四明叢書
約園刊本

色明疑見風期遞難依霜交白野台露罷青林稀羈候
朝朝別寒雲處處飛茲時軫遺念憶爾倦游非

甲午稿

詠神樂觀梅花

素質舒玄圃清芬曷碧紗自將幽獨意不逐豔陽華
暉暖遲開葉凌寒早著花瓣輕飄易墮枝曲影從斜雜雪
明春初隨風入莫妬何須飛寶曆長此奉仙家

春郊晚行

遲日出郊圻悠然塵事稀野陰堪結蓋薄水欲流衣袂

客探丸返佳人抱瑟歸喧喧四鄰夕徙倚向斜暉

春日遊麥氏園池

別業衡連堞春流曲浸臺煩襟塵外滌芳籍水中開笛
奏花能舞舟移草爲迴年光將野趣心賞共徘徊

行路難

君不見張毅一生善含垢高門縣簿無不走朝攀豪貴
轅妻孥暮乞聲名謝朋友自矜蹀躞致青雲笑卻蹉跎
空白首王侯大賈競來趨造化小兒不相守一朝臥病
無復治九關鬼伯紛來扣榮華寂寞填塙壤歲時牧豎

陳后周詩集

六四明叢書
約園刊本

能躑躅行路難辛勤死後一抔土何似生前散卻千金
錢有錢買酒但行樂莫遣離離凋華年

聖體初安春日視朝志喜同唐太史作

龍顏天保乘春豫鳳闕晴臨拂曙開鐘鼓忽傳朝市樂
衣冠競捧聖明來花明玉殿祥風應柳拂金鋪淑景催
共識宸和合天道欣欣瞻戀獨遲迴

從軍行送呂武部募兵

漢家煙塵西北邊障亭累累通居延瀚海羽書飛上郡
陰山烽火照甘泉應星鳴鏑三千騎乘月飛控十萬弦

部曲其稱連右臂渠率遙傳是左賢天子臨軒策五戎
軍兵指日下三宮玉璽分麾宣武略金壇授機精才雄
男兒任俠原輕敵更欣恩命借奇功投筆從戎辭陞北
鳴鞭浴鐵去遼東飛旌去去過亭微列帳紛紛依白草
部下齊徵六郡良軍前徧募山河少虎牙盡隸伏波營
魚麗橫開都護道玄朔遙翻破虜旗青笳並奏平胡調
胡沙獵獵黑雲屯殺氣騰凌日爲昏平明劫取休屠壘
夜半追奔吐谷渾錦韉凋霜迎氣折銅焦慘月帶愁聞
馬革一生期立命龍城百死爲酬恩酬恩效死不辭難

陳后周詩集

七
四
明
書
約
圖
刊
本

上巳

五都皆褻渭百歲競臨渠自憐妨太潔不事更修除

送陳隱君歸閩中

曾向三山達化機久於海上結荷衣暫過燕地非吾土
惆望閩天憶舊磯雲氣應從新令尹風流遙羨丈人歸

爲報來馴百鷗道今年無事更翻飛

贈錢翁

高歲應時祥居然得其長藥成雞已試杏熟虎能防風
馭迴龍陌霓裳接鷺行駐將童子色延瞻聖人光

同館寮詠省中紅藥

韶年清景屬朱明紅藥翩翩爛綺城城南畫閣連雙闕
參差數萼當階發紫煙裏霧色偏奇璇除瑤戶更相宜
露采明啼鵲掌靈根暗濯鳳凰池鳳池鳳侶來尋覓
風氣花香時續斷惟綃幕穀盛葳蕤花綬還從花下疑

陳后周詩集

八
四
明
書
約
圖
刊
本

送王學士之金陵

停采不言嬌日寵含愁如恨隔年期含愁停采何窮已
旖旎從風墮還起黃蜂一一負絲低紫燕雙雙窺色戲
可憐輕豔軟塵裏朝朝濯拂爲君顏秀色佳人何足贈
調靈仙客莫須攀願逐風光漸銷鑠會留芳馥五雲間

夕霽對月有懷唐二編修學何水部一首

終朝滯飛濛三徑絕來枉欄溜一以捐族雲漸迴蕩長
颺纈河出月華依波上微微辨林柯稍稍晰塵鞅權委
猶餘沄沄開更映幌草螢掠明流土蟲疑響響命酒陶
清虛解襟納新爽懷人邈不御樂來何由賞沈思永終
夕景同神宜往

端午侍宴闕下

天中佳節盛懽娛闕下平明式大酺宮采初傳長命縷
中官競插辟兵符饌分玉食調仙桂酒酌瑤杯泛苑蒲
爲問寰中浴蘭者得如天上沐恩無

陳后尚詩集

九四明藏書
新圖刊本

贈內弟董生新婚

雙魚報遠天百兩聘名媛解有乘龍喜能無獲雉言繼
嗣時方重成人爾亦尊下帷應發憤不是懶窺圖

柬唐太史臥病禪房

獨往屏塵營支離入化城筌忘詩總廢道勝體能輕靜
夜參僧偈空階習梵聲長知不寂寞有爾達無生

都下別施秀才應試金陵

忽漫相逢歎別離留君無計不勝悲身聞大道人皆笑
志在高山世豈知且合投竿千俗好莫須彈鋏向明時

高才未必長貧賤遲爾南飛振羽儀

望湖亭遲唐一

彌策躋石磴捫蘿陟雲亭凌危坐超越臨深瞰窈冥野
色向虛盡湖態含暉明樹亂識人度峯峭知嵐輕目送
景共遠心與氛俱清趣愜百慮豁神感四愁嬰願言同
襟子如何曠不并忘筌理無聞囑象思空縈洋洋流水
志嚶嚶鳴鳥情匪伊知賞述誰爲拳服膺

二三同志夜酌碧雲寺分韻

曠途疏俗實靜域臨飛嶼形苞隱淪勝勢抗清虛表驚
嶺互盤旋龍泉吐涓渺雪竇迴暑清雲構翳空小分池
物法鱗作埒抽金草覺花明冬春香蘿掛昏曉微尚在
幽寂乘休恣探討後海滯塵緣游山訪眞了指景晤已
深延賞悰非小適感伯倫情兼希魯陽妙流觴酌駉湍
揮手招頽顛任達本所經燕樂苦不早直耽清聖理勿
爲俗賢道

送王修撰朝陵

王先爲祠部郎中

橘山奕奕啓龍藏詔拜衣冠出鷲行玉館禮花供麗藻
金天淒淒助悲傷千祇候蹕森俱衛百辟承禋祿共將

見說五雲時縹緲也應來格舊祠郎

秋日分祀孔子廟

屬聖重儒宗當秋秩祀隆文明涓上日祈翼攝元工松
柏開新廟笙琴似舊宮居非一畝儉奠卽兩楹中玉簋
聲明德金聲辨素功從公百辟戾陟配四科同有血神
如在無言教已通升堂獨何幸俎豆得相從

挽張舍人二首 舍人今相國元子

材成須見伐惜爾及芳時玉樹先秋隕金蘭與世辭
馬迎新蓋鳳池掩舊綦亦知大塊息猶稀小年悲

陳后岡詩集

十二四明叢書
新圖刊本

豈有斯生悔而爲出世遊居然成寢室無復更藏舟
珠履虛三徑金鐙黯一邱其嗟陶越騎詎但若公愁

送莫秀才中舉歸省

日下藉聲名雲閒別陸生言將題柱意還慰倚門情
材貢南州美光分上國榮定知吳下士刮目會相迎

送張子言

送君已蕭瑟況復值秋時鄰比存千里勞歌起四思
口有張生舌囊無季子貲空聞說詩好到處解人頤

仲秋出郊訪鄭光祿養疴別業

暮天寥泬秋氣深客子悲時懷短吟已歎綈衣坐自染

何意金門還陸沈以茲浪跡出郊野撼撼疏桐馬頭下
結蘭爲訪一心人抱琴誰是知音者主人開徑前致詞
索居臥病且經時相將觀化忽相笑問道青青肘上枝

贈李御史奏事還南都

南臺羣彥似君難奉敕鳴聰謁上蘭書著錦衣誰不羨
朝簪白筆眾應看達人勝有鷹鷂志報國憑將獬豸冠
此日秋高堪搏擊臨風惟有贈雙翰

賦得上林鴈贈吏部王郎中謫毘陵

陳后岡詩集

十二四明叢書
新圖刊本

八月涼風動雙闕嗷嗷旅鴈雲中發遐飛遠響激清音
刷羽振衣度上林天邊結字行雖亂風裏傳書力不任
詎意上林重毛色抱奇區區不察識凌寒不借一枝棲
能鳴轉被單絲弋逸志由來恥稻粱歸飛耿耿背金塘
水咽驚聲疑箭落月明避影怯弓傷遙遙關路長辛苦
蕭條爲向南中土地闊山空不畏人沙明水暖聊鳴舞
少年才客有王君把袂愁爲失意分南去祇應聞雁叫
臨風好是泣離羣

送莊丈人訪壻唐太史南還